



ADMINISTRACIÓN LOCAL

MUNICIPAL

CARBALLO

Bases reguladoras para a concesión de axudas para o pago de subministracións enerxéticas no Concello de Carballo 2025 e aprobación do gasto

A Xunta de Goberno Local, en sesión Ordinaria celebrada en data luns 30 de xuño de 2025 adoptou, entre outros, o seguinte acordo:

APROBACIÓN DAS BASES REGULADORAS PARA A CONCESIÓN DE AXUDAS PARA O PAGO DE SUBMINISTRACIÓNS ENERXÉTICAS NO CONCELLO DE CARBALLO 2025 E APROBACIÓN DO GASTO

Un dos principais indicadores para medir a pobreza enerxética é o atraso das persoas ou familias á hora de pagar as súas subministracións enerxéticas, ou as situacións de extrema vulnerabilidade cando xa non se poden pagar os recibos.

A ninguén escapa, que a situación de crise económica derivada da pandemia e o imparable ascenso nos prezos da enerxía eléctrica e gas agravou a desigualdade enerxética, sobre todo en fogares con escasos ingresos, con contratos laborais precarios, familias monoparentais, persoas maiores, etc.

Co obxectivo, de paliar as consecuencias da pobreza enerxética, o Concello de Carballo convoca axudas para o pago de subministracións enerxéticas, que están destinadas aos sectores sociais con maiores dificultades económicas. Estas persoas son xa beneficiarias do denominado Bono Social Eléctrico; este é un mecanismo que se puxo en marcha o 1 de xullo de 2009 e foi creado polo Goberno para protexer aos consumidores e consumidoras vulnerables, de acordo co art. 45 da Lei 24/2013, de 26 de decembro, do Sector Eléctrico.

O 7 e o 9 de outubro de 2017 foron publicados o **Real Decreto 897/2017, de 6 de outubro**, polo que se regula a figura do consumidor vulnerable, o bono social e outras medidas de protección para os consumidores domésticos de enerxía eléctrica e a **Orden ETU/943/2017, de 6 de outubro**, que o desenvolve, respectivamente.

Recentemente foi aprobado o Real Decreto-lei 15/2018, de 5 de outubro, de medidas urxentes para a transición enerxética e a protección dos consumidores, que ampliou o seu alcance.

Primeira.- Obxecto e réxime da subvención:

Esta convocatoria, ten por obxecto, establecer as bases reguladoras para a concesión de axudas de tipo social para as familias máis vulnerables e/ou en risco de exclusión social a facer fronte ao pago de subministracións enerxéticas ante a imparable subida do prezo da enerxía eléctrica e do gas.

Constitúe o obxecto destas bases a regulación das axudas que o Concello de Carballo outorgará, mediante concorrencia non competitiva, polo procedemento previsto no artigo 19.2 da Lei 9/2007, do 13 de xuño, de subvencións de Galicia.

Segunda.- Beneficiarios/as

Poderán ser beneficiarios/as destas axudas as persoas que cumpran os seguintes requisitos xerais:

- a- Persoas maiores de 18 anos ou menores emancipados/as.
- b- Empadroadas en Carballo nos últimos 6 meses anteriores á convocatoria da axuda. Ademais destes dous requisitos deben cumprir polo menos un destes:
- c- Ser beneficiarias do Bono Social de Electricidade das diferentes comercializadoras de electricidade, como mínimo nos 3 últimos meses anteriores á data da publicación da convocatoria da axuda.
- d- Recibir, polo menos, 6 meses de oxigenoterapia domiciliaria anteriores a data da publicación da convocatoria da axuda.
- e- Recibir, a lo menos, 6 meses de diálise peritoneal domiciliaria anteriores á data da publicación da convocatoria da axuda.

Terceira.- Disponibilidade orzamentaria

Para o financiamento das subvencións obxecto desta convocatoria existe crédito adecuado e suficiente na aplicación orzamentaria 2310.48901 "Axudas a particulares", ata un máximo de 25.000,00 euros.

Cuarta.- Contía

A subvención á que poderán acceder as persoas solicitantes será de **200 euros, nun único pago.**

Quinta.- Solicitudes, prazos, lugar de presentación e documentación.

1. O prazo de presentación das solicitudes será de 15 días naturais contados a partir do día seguinte á publicación do extracto da convocatoria no Boletín Oficial da Provincia a través da BDNS.

2. As solicitudes poderán presentarse telematicamente, a través do enderezo <https://sede.carballo.gal/opencms/es> ou presencialmente en calquera dos Rexistros do Concello de Carballo.

3. Para a presentación da solicitude terá que utilizarse o formulario normalizado.

4. Xunto co formulario de solicitude, o/a interesado/a, en atención ao previsto no artigo 28 da Lei 39/2015, do 1 de outubro de procedemento administrativo común das administracións públicas, deberán achegar:

a. Copia do DNI, ou documento identificativo, **só no caso de non autorizar a consulta.**

b. Copia do certificado de empadramento do/a solicitante, **só no caso de non autorizar a consulta.**

c. Copia das 3 últimas facturas da subministración eléctrica onde apareza recollido ser beneficiario/a do Bono Social. As 3 facturas serán as emitidas ata o mes anterior á convocatoria da axuda.

d. Copia das 3 últimas facturas de subministración eléctrica para as persoas que reciban oxigenoterapia ou diálise peritoneal. As 3 facturas serán as emitidas ata o mes anterior á convocatoria da axuda.

e. Certificado da conta bancaria onde a persoa solicitante da axuda conste como titular

f.- Informe médico coa prescrición de Osixenoterapia e/ou diálise peritoneal domiciliaria, no seu caso, onde conste a data desde a que recibe o tratamento no seu domicilio.

En todo caso, se por razóns técnicas e/ou informáticas non puidese ser posible a comprobación dalgún dos requisitos da persoa solicitante, o Concello de Carballo poderá solicitarlle que achegue a documentación probatoria, que será dixitalizada para ser incorporada ao expediente electrónico da solicitude.

En caso contrario, terán que ser rexistradas pola propia persoa solicitante a través dos medios electrónicos validamente recoñecidos no artigo 10 da Lei 39/2015, do 1 de outubro de procedemento administrativo común das administracións públicas.

5. En caso de dúbida, dificultades técnicas ou necesidade de máis información, as persoas interesadas poderán dirixirse á Área Servizos Sociais do Concello de Carballo, con cita previa, en horario de 9 a 14 horas, de luns a venres. Esta posibilidade estará dispoñible ata as 14:00 horas do último día hábil do prazo de solicitude.

6. Sexta.-Procedemento de concesión de axudas e notificación.

A concesión das subvencións ás que se refire esta convocatoria realizarase nun único acto, ata esgotar o orzamento previsto, segundo a orde de recepción das solicitudes e baixo os principios de publicidade, transparencia, obxectividade, igualdade e non discriminación.

A instrución do procedemento corresponde aos servizos sociais municipais.

De acordo co establecido no artigo 19.2 da Lei 9/2007, do 13 de xuño, comezase a instrución dos expedientes seguindo a orde de presentación das solicitudes de acordo co disposto no artigo 71.2 da Lei 39/2015, do 1 de outubro.

As solicitudes de subvención examínanse e serán outorgadas sempre que se cumpran os requisitos esixidos nesta convocatoria, que se indicará no informe proposta de servizos sociais, previo á concesión.

O órgano instrutor realizará de oficio cantas actuacións considere necesarias para a determinación, o coñecemento e a comprobación dos datos en virtude dos cales se debe formular a proposta de resolución e poderalle requirir á persoa solicitante que achegue cantos datos, documentos complementarios e aclaracións resulten necesarios para tramitar e resolver o procedemento.

En todo caso, non se admitirán a trámite, ditarase a resolución de inadmisión e archivaranse as solicitudes que se presenten fóra do prazo establecido na convocatoria.

7. O acordo de concesión provisional notificarase aos interesados mediante anuncio público no Taboleiro de Anuncios da Casa do Concello de Carballo (Praza do Concello S/N) e na páxina web do Concello de Carballo na data seguinte a da aprobación polo órgano competente.

8. Concederase un prazo de 15 días naturais para presentar alegacións.

9. Séptima.- Xustificación da subvención e pago de subvencións.

10. En atención ao previsto no artigo 28.9 da Lei 9/2007, de 13 de xuño, de subvencións de Galicia, toda vez que a concesión da subvención está motivada pola concorrencia na persoa beneficiaria da circunstancia acreditada de ser maior de 18 anos ou emancipada, empadroada en Carballo e ser beneficiaria do Bono Social de Electricidade, non se requirirá outra xustificación que a comprobación xa realizada da situación que motiva a concesión da subvención, isto sen prexuízo dos controis que se establezan para controlar a aplicación do gasto segundo o procedemento descrito.

Nos casos de oxigenoterapia e diálise domiciliaria, será condición indispensable, que a persoa que teña prescritas as terapias esté empadroada no mesmo domicilio que a persoa solicitante da axuda.

O Concello de Carballo poderá esixir aqueles documentos ou xustificantes complementarios que, motivadamente, se consideren oportunos para unha fidedigna acreditación da realización do gasto.

O pago das subvencións concedidas realizarase mediante transferencia bancaria, ao número de conta acreditado pola persoa solicitante.

Oitava.- Compatibilidade

A percepción desta axuda será compatible con calquera outra axuda concedida polo Estado, pola Comunidade Autónoma de Galicia ou por calquera outra administración.

Novena.- PROTECCIÓN DE DATOS

De conformidade coa Ley Orgánica 3/2018, do 5 de decembro, de protección de datos persoais e garantía dos dereitos dixitais (LOPD), infórmase que os datos subministrados nos formularios que se presenten a esta convocatoria poden pasar a formar parte dun ficheiro automatizado de titularidade do Concello de Carballo, cuxa finalidade é a xestión da convocatoria para a que se presenta esta solicitude. O responsable dos datos recollidos será a Concellaría de Servizos Sociais, con enderezo en Praza do Concello, s/n 15100 Carballo. O Concello de Carballo e a Concellaría de Servizos Sociais comprométese a adoptar as medidas de seguridade que correspondan en cumprimento do establecido na lexislación vixente en materia de protección de datos de carácter persoal. A persoa interesada poderá exercer os seus dereitos de acceso, rectificación, cancelación e oposición, entregando o formulario disposto para tal finalidade no Rexistro de Entrada Municipal, no enderezo electrónico dpd@carballo.org ou chamando ao tfno. 981 704 703

Décima. – Normativa Supletoria

En todo o non disposto nestas bases seralle de aplicación á convocatoria e ás subvencións que se conceden ao seu abeiro, o disposto na Lei 38/2003 xeral de subvencións e a Lei 9/2007, de subvencións de Galicia, os seus regulamentos de desenvolvemento no que sexa de aplicación á Administración local, así como a lexislación aplicable en materia de réxime xurídico das administracións públicas e do procedemento administrativo.

Segundo.- Aprobar o gasto por importe total de vinte e cinco mil euros (25.000,00 €) segundo o seguinte detalle:

OBXECTO	PROGRAMA/ ECONÓMICA	IMPORTE	RC (Nº OPERACIÓN)
Convocatoria Axudas para o pago de subministracións	2310.48901	25000€	220250002972

Terceiro.- Aprobar o formulario de solicitude segundo o modelo:

Axudas para o pago de subministracións enerxéticas no Concello de Carballo 2025

DATOS DA PERSOA SOLICITANTE					
NOME		PRIMEIRO APELIDO		SEGUNDO APELIDO	
				NIF	
				Exp. 2025/G007/000013	
TIPO	NOME DA VÍA		NÚM.	BLOQ.	PISO
					PORTA
CÓDIGO POSTAL					
TELÉFONO 1	TELÉFONO 2	CORREO ELECTRÓNICO			
DATOS DA SUBMINISTRACIÓN					
COMERCIALIZADORA DE ELECTRICIDADE/GAS			NIF DA PERSOA TITULAR (deberá coincidir coa persoa solicitante)		
REFERENCIA DA SUBMINISTRACIÓN			CUPS (Código unificado de punto de subministración)		

DECLARACIÓN XURADA

O/A solicitante declara baixo a súa responsabilidade que acepta as bases da convocatoria, que cumpre os requisitos esixidos por esta, que se atopa ao día das súas obrigas coa Axencia Tributaria e coa Seguridade Social, que non ten ningunha débeda co Concello de Carballo e que son certos os datos que constan na solicitude. Así mesmo declara que:

☐ Non ten solicitado ningunha outra axuda para a mesma finalidade

☐ Ten solicitado outra axuda para a mesma finalidade, aos organismos que se indican:

AUTORIZACIÓN

As persoas asinantes autorizan ao Concello de Carballo a comprobar a veracidade dos datos declarados na solicitude ou facer as consultas que procedan. Expresan igualmente o seu compromiso de informar ao Concello de Carballo sobre a concesión de calquera outra axuda pública ou privada para a mesma finalidade.

☐ Si autorizo ao Concello de Carballo a comprobar a veracidade dos datos

☐ NON autorizo ao Concello de Carballo a comprobar a veracidade dos datos

Asdo.

Carballo a de de 2025

DOCUMENTACIÓN QUE SE ACHEGA

☐ Copia do DNI, ou documento identificativo(só no caso de non autorizar a consulta)

☐ Copia do certificado de empadramento do/a solicitante(só no caso de non autorizar a consulta)

☐ Copia das 3 últimas facturas de subministración eléctrica onde apareza recollido ser beneficiario/a do Bono Social

☐ Informe médico coa prescrición de Osixenoterapia e/ou diálise peritoneal domiciliaria con data de inicio do tratamento domiciliario

☐ Certificado da conta bancaria onde a persoa solicitante da axuda conste como titular

DATOS DA PERSOA SOLICITANTE

NOME		PRIMEIRO APELIDO	SEGUNDO APELIDO		NIF	
					Exp. 2025/G007/000013	
TIPO	NOME DA VÍA		NÚM.	BLOQ.	PISO	PORTA
CÓDIGO POSTAL						
TELÉFONO 1	TELÉFONO 2	CORREO ELECTRÓNICO				

DATOS DA SUBMINISTRACIÓN

De conformidade coa normativa vixente en materia de protección de datos, que o Responsable de Tratamento dos datos persoais é CONCELLO DE CARBALLO, con dirección en PRAZA DO CONCELLO S/N, 15100-CARBALLO (A CORUÑA); dpd@carballo.gal:

1.- Dpd: O Delegado de Protección de Datos do Concello de Carballo é a empresa APDTIC Profesionales, SL, co que poderá contactar na conta de correo dpd@carballo.gal.

Carballo a 1 de xullo de 2025

O Alcalde

Evencio Ferrero Rodriguez

2.- Finalidade do tratamento: Os datos serán utilizados para prestar servizo solicitado na presente instancia, así como a xestión administrativa derivada do mesmo..

Prazo de conservación: os datos facilitados conservaranse mentres se manteña a nosa relación e mentres non se solicite a supresión dos mesmos.

3.- Lexitimación: Este tratamento de datos persoais está lexitimado polo consentimento que nos outorga coa firma da presente circular.

4.-Destinatarios de cesións: CONCELLO DE CARBALLO poderá ceder os datos de carácter persoal ós profesionais doutros organismos cos que se coordinan para a correcta resolución do expediente. No caso de solicitude de subvencións ou outro tipo de axudas económicas, os datos persoais facilitaranse a todas as administracións públicas con competencia na materia, por ser xestoras das mesmas.

5.- Dereitos: CONCELLO DE CARBALLO dispón de formularios específicos para facilitarlle o exercicio dos seus dereitos. Pode presentar a súa propia solicitude ou solicitar os nosos formularios, nas nosas instalacións ou por correo electrónico en dpd@carballo.gal, sempre acompañados dunha copia do seu DNI para acreditar a súa identidade

Asdo.

Carballo a de de 2025

2025/4377